

**ATASSUT****UKA 2016/93****Steen Lynge****11. 10. 2016**

**Kalaallit Nunaata inuiaqatigiillu kalaallit amerikamiut Kalaallit Nunaanni sakkutooqarnerat annertunerpaamik pissarsiaqaatigalugulu iluaqatigisinaanera qulakkeerniarlugu ataatsimoorussamik danskit/kalaallillu USA-mik isumaqatiginninniarnissaannik Naalackersuisut peqquneqarnissaannik Inatsisartut aalajangiiffigisassaattut siunnersuut. Naalackersuisut Illersornissamut Isumaqatigiissut 1951-imeersoq tamatumalu kingorna tapiliunneqartut naapertorlugit USA-p Nunatsinni suliaqartarnerini nunatsinnut erseqqissunik iluaqutaanissaa suli sulissutigissavaat , tassunga ilanngullugu amerikamiut sakkutooqarfikui sanaartukkallu allat qimaannarneqarnikut pillugit avatangiisitigut akisussaaffiup paatsuugassaangitsumik inissinneqarnissaa, pisariaqarpallu tapiliussamik nutaamik isumaqatiginninniarnermik imaluunniit Illersornissamut Isumaqatigiissutip 1951-imeersup isumaqatiginninniutigineqaqqinnissaanik piumasqaateqarlutik.**

(Inuussutissarsiornermut, Suliffeqarnermut, Niuernermit Nunanullu Allanut Naalackersuisoq)

Atassut-ip partiitut liberaaliusutut pingaartitaraa, suleqatigiinnissamik isumaqatigiissummi peqataasut illuatungeriillutik tamarmik suleqatigiinnerup pitsaasumik pissarsiaqarfigalugu inissisimasarnissaat. Taamaammat aamma soorunami tamanna sutigut tamatigut suleqatigiinnermi iluaqateqartarnerup nunatsinnut atuutsinneqarnissaa pingaaruteqarpoq. Aamma nunatsinni nunaminertat nunanit allanit iluaqatigineqaraangata.

Atassut-mit USA nunatsinnut ikinngutaanera suleqatigeneralu pingaartitaraarput. USA-p sorsunnersuarmi kingullermi nunatta illersorneqarnera aammalu pilersornera isugisimavaa. Taamanimi Danmark pilersuinissami illersuinissamillu pisinnaajunnaarsimavoq.

Nunatta siunissami aningaasaqarnikkut politikikkullu namminiilivinnissaq kissaatigaa, taamaalinikkullu nunatta isumaqatiginninniarnermut pisinnaatitaaffiit - nunatsinnut iluaqutaasussusat – tigummerlersussaavai. Nunatta naamminiilivinnissami suli siumungaaq aaliangersimangilaa, qanoq nunatta Danmark-imut, nunanut avannarlernut aammalumi USA-mut suleqateqarnermini inissisimanissaa.

Avaqqunneqarsinnaanaviangilaq siunissami nunatta naaminiilivinnermini nunanit allanit annertuumik suliaqateqarnissaa, qanimut suleqatigisassaq Danmarkiusinnaavoq, nunat avannerliiusinnaapput imaluunniit USA-jusinnaavoq. Imaluunniit suleqatit arlallit ataatsikkut suleqateqarnissami aqqutigineqarsinnaavoq. Taamaammat pisariaqarpoq siusissukkut isummorsorfigissallugu, nunatta kikkut siunissami annertuumik suleqatigilersinnaassagai. Tamanna apeqqut Naalackersuisut maanna USA peqatigalugu isumaqatiginninniarsaminni eqqumaffigissagaat pingaaruteqarpoq.

Naalackersuisut matumani siunnersuummi kissaatigaat Thule Air Base pillugu aammalu sakkutooqarfiusimasuni qimatarpassui pillugit ataatsimoorussamik danskit/kalaallillu USA-mik isumaqatigiinninniarnissaannik aallartitsisoqassasoq.

Atassut-mit Naalackersuisut isumaqatigaagut nalilermassuk, Illersornissamut isumaqatigiissutip nassatarisaanik USA-p suliaanut allanut naleqqiullugu, ilanngullugit Kalaallit Nunaanni amerikamiut sakkutooqarnikkut inississukkatigut qimatarpassui USA-mut naleqqiullugu maannakkut pissuserisat aamma akuersaarnartuunngillat.

Tamaammat pisussissamisuginnarpoq, Naalackersuisut USA-mik isumaqatigiinninniarnissamik suliaqaneq Danmark peqatigalugu aallartittariaqaraat.

Atassut-mit maluginiarqqussavarput, Naalackersuisut USA-mik Danmark peqatigalugu isumaqatigiinninniarnierit aallartissinnagit, isumaqatigiissutissat siunissami aamma allanngortissinnaanissaat, nunatta siunissami illersornissamut aammalu nunanut allanut politikkikkut akisussaaffimmik tigusinissaannik isumaqatigiinninniarnierit aallaaveqarnissaat.

Taamatut oqaaseqarluta Atassut-mit Naalackersuisut siunnersuutaat USA-mik isumaqatigiinninniarnissamik aallartisartoqarnissaanik kissaataat ilalerparput.